



Darko Soldat rođen je 1988. godine u Sarajevu.

Diplomirao je na Pravnom fakultetu Univerziteta u Sarajevu 2011. godine, dok je zvanje magistra prava stekao na istom fakultetu 2012. godine. Zvanje magistra nauke digitalne forenzike i istraga visokotehnološkog kriminala stekao je 2018. godine na Univerzitetskom koledžu u Dublinu pri Nacionalnom univerzitetu Irske. Naučno zvanje doktora pravnih nauka stekao je na Univerzitetu u Sarajevu 2021. godine.

Pravosudni ispit je položio pred Komisijom za polaganje pravosudnog ispita Ministarstva pravde Bosne i Hercegovine u Sarajevu 2014. godine, a advokatski ispit pred Komisijom za polaganje advokatskog ispita Advokatske komore Republike Srpske u Banjoj Luci 2020. godine.

Radio je, između ostalog, u pravosuđu kao stručni saradnik - pravnik i stručni savjetnik - pravnik u Tužilaštvu Bosne i Hercegovine, i u bankarskom sektoru kao specijalista za prevenciju i upravljanje prevarama u Sektoru Praćenje usklađenosti poslovanja banke Raiffeisen Bank d.d. Bosna i Hercegovina.

Tokom 2017. i 2018. godine obavljao je dužnost oficira za vezu između Tužilaštva Bosne i Hercegovine i Kancelarije tužioca Međunarodnog krivičnog suda za bivšu Jugoslaviju u Hagu i Kancelarije tužioca Međunarodnog rezidualnog mehanizma za krivične tribunale u Hagu.

Odlukom Visokog sudskog i tužilačkog savjeta Bosne i Hercegovine, u martu 2022. godine, imenovan je za tužioca Kantonalnog tužilaštva Kantona Sarajevo.

Član je Udruženja tužilaca Federacije Bosne i Hercegovine, bivši član Upravnog odbora Udruženja stručnih saradnika i savjetnika u sudovima i tužilaštvima u Bosni i Hercegovini i učesnik velikog broja obuka na temu borbe protiv organizovanog kriminala, korupcije, visokotehnološkog kriminala, pranja novca i najtežih oblika privrednog kriminaliteta u organizaciji domaćih i međunarodnih institucija i organizacija.

Dobitnik je Zlatne značke Univerziteta u Sarajevu.